

यूहन्नाका ज्याक्तुम १ सेलाखाजेम

त्वारोम ग्वाक्पा सिजेम

१ सुम्दीमोलोमडडा बाट्पा कोले, गुमीलाई गुकु ल्वात्तोकोम थोत्तोकोम बु। गुकु आकी मिक्सीकाडा गुमीलाई ल्वात्तोकोम बु मा आकी ल्वाकाडा गुमीलाई लुप्तोकोम बु। गुमी येशू ख्रीष्ट, त्वारोम ग्वाक्पा सिजेम।
२ माम्चुनीका गुमीलाई रेम्बेम्डी मा गुकु ल्वात्तोको मा गुकु उनीमा दुथाम सोकु। मेम्मा हेल्लो वो मेसिपा मेराम त्वारोमकु दुथाम गानीनुड सोकु। गुमी पापनुड बाम्डी मा माम्चुनीका गुकुनुड रेम्बेम्डी।
३ गुकु हाम ल्वात्तोको थोत्तोको मेराम गानीनुड सोकु, मेम्साका गुकुनुड ईनीमा हेमकेम दुम्नु। आकीमा वो हेमकेम माम्चुनी पाप नुड उनीमा तारापाचो येशू ख्रीष्टडा बु।
४ गानी छोम भ्रसीद्वाक्नी ज्वाक्साका गानीलाई गुकु ओराम ज्याकुम बुकु।

ओलडा बुमु-दोमु

५ ओराम सिजेम येशू ख्रीष्टलामका गुकु थोत्तोको मा गानीनुड सोकुमिम। माम्चुनी ओल बुमी मा गुमीडा तुकुम्चिम बुमुडा मिबु।
६ ईकीमा हेमकेम माम्चुनीनुड बु ज्वाकी मा तुकुम्चिमडाडा लाम्दीई माला गुई लिमा थेडी मा आच्छाकाम ल्वा होम्साका मेबुई-मेदोसी।
७ माम्चुनी ओलडा बुमीमिम होडडा गुई वो ओलडा बुई-दोसी माला कोलेकाम कोडमीडला ईकीमा हेमकेम दुम। मेम्मा उनीमा तारापाचो येशूकु सिसिका खोत्ले ईकीमा छुलडाम गुईलाई छेको-छेको बेसा।
८ गुई छुल मान्थिम बुई ज्वाकी माला ने गुई ईकी त्वाकाडा त्वापलाई ताडताहेरथो ल मा आच्छाडाकाम ल्वा

गुईनुड मेदुम।
९ गुई ईकीमा छुलमिम माम्चुनीनुड सोईडी माला गुमीका ईकीमा छुल हेप्साक्सामी मा मेजोपा खोत्लेडाम छेको-छेको बेसामी। हेडालोने गुमी थोर लुईमिम मा जोपा बेपा बुमी।
१० गुई छुल बिडिम मिबु ज्वाकी माला माम्चुनीलाई लिमाचो ज्वाकीमिम बुई मा ईकीमा न-गोडा उनीमा सिजेम मेदुम।

गुईलाई ख्लोपा ख्रीष्ट

२ आमा याक्के चोचोनी, गानी छुल मेबेनी ज्वाक्साका गो ओराम सेलाखाजेम ज्याक्तोडा बेउ। लावो कोडनिमका छुल बु माला ईकीमालाम पापनुड जेप्साक्पा कोले येशू ख्रीष्ट बुमी। गुमीका माम्चुनीलाई गैर्सिबेन्मी।
३ ईकीमा छुलकाम लागि गुमी सासेन्सिम्डी, ईकीमा छुलकाम लागि कोडडा मेएँ खोत्ले सुम्दीसेरकु छुलकाम लागि गुमी सासेन्सिम्डी।
४ गुमीका बेबेसाड्डामिम होडडा बिई माला ख्रीष्टलाई गुई छेडिमी रेछा ज्वाक्पा च।
५ उहेम मुचुका “गो गुमीलाई छेपु” ज्वा लावो गुमीका हाम बेबेटिमडीम मेराम मेबु माला गु ने लिमाचो सो। गुनुड आच्छाडाकाम ल्वा मेदुम।
६ लावो कोडनिमका माम्चुनीकु सिजेम होम्साका बु माला मेरामकाडा माम्चुनीकु रिखाम होडडा दुम। गुई गुमीडा बुईमिम ओरामलाका छेडीः
७ उहेमका गुमीडा बुडु ज्वा गु येशू बाम्डिम-दोम्डिम होम्साका बुमु-दोमु बासी।
८ द्वादीबुड डोप्सोनी, गानी बोमुबासी ज्वाक्साका ज्याक्तोडा बेउमिम ओराम ल्वा लाम्दी सिपा लाले सीसि ने मेएँ, माके आथामडा गानीनुड बाट्पा ल्वा सो। माकेम ओराम ल्वा ने डादो गानी थोन्निम सिजेम

सो। ८ मेम मावो गानी बोमु बासिकपा कोले नले ल्वा गानीलाई ज्याक्तोडा बेउ। ओराम आच्छाडा ख्रीष्टडा बु मा गानीडा वो बु। हेडालोने तुकुम्चिम दाम्तोडा लेडु मा आच्छाडाकाम ओल डादो आथामडा भवाहोम बु। ९ उहेमका गु ओलडा बुडु ज्वा लावो उमा वा-ल्वाकलाई मेद्वाकु, माला गु आथावो तुकुम्चिमडाडा बु। १० उहेमका उ वा-ल्वाकलाई रिखाम बु, गु ओलडा बु मा गुलाई छुल बेबेट्पा उमाडा हाम वो मेदुम। ११ लावो उहेमका उमा वा-ल्वाकलाई मेद्वाकु मेराम मुचु तुकुम्चिम गोनो दुम मा तुकुम्चिम गोनों लाम्दी। गु बान्थो लक्तोडा बु मेराम मेचकु, तुकुम्चिमका उमा मिक्सी ड्याक्साड्डुम बु। १२ द्वादीबुडु चोच्चोनी, गो गानीलाई ओराम ज्याक्तोडा बेउ, हेडालोने ख्रीष्टकु नडका माम्चुनीका ईनीमा छुल हेम्साट्नीम बु। १३ डावानी, गो गानीलाई ओराम ज्याक्तोडा बेउ, हेडालोने खोत्ले प्रडिस्सु डादो आथामडा बाट्पा येशू ख्रीष्टलाई गानी छेनी। स्वालानी, गो गानीलाई ओराम ज्याक्तोडा बेउ, हेडालोने शैतानडला गानी घ्वान्नीम बु। द्वादीबुडु चोच्चोनी, गो गानीलाई ओराम ज्याक्तोडा बेउ, हेडालोने ईकीमा माम्चुनी पापलाई गानी छेट्टिनम बु। १४ डावानी, गो गानीलाई ओराम ज्याक्तोडा बेउ, हेडालोने खोत्ले प्रडिस्सु डादो आथामडा बाट्पा येशू ख्रीष्टलाई गानी छेनी। स्वालानी, गो गानीलाई ओराम ज्याक्तोडा बेउ, हेडालोने गानी ईनी न-गोडा सोनुडमा बुनी मा माम्चुनीकु सिजेम ईनीमा नडा बु। मम्मा शैतानडला गानी घ्वान्नीम बु।

सुम्दीसेरडा बाट्पामिमलाई रिखाम मेबोमु

१५ सुम्दीसेरलाई लोवो सुम्दीसेरडा बाट्पामिमलाई लोवो रिखाम मेबेनी।

कोडनिमका सुम्दीसेरलाई रिखाम बु माला माम्चुनी पापलाई गुका रिखाम मेबु। १६ हेडालोने छुलचो मुचुका गेर्सिबेन्मु बुमिम न, मिक्सीका ल्वासुमिम ल्वामु माल्पा न नुड गुनुड हाम बु मेरामडला उ नो ल्वाक्थाक्पा न, सुम्दीसेरडाम ओर्मिम खोत्ले माम्चुनी पापलाम रोकपा मेएँ लावो सुम्दीसेरलाम रो। १७ सुम्दीसेर दाम मा ल मा मुचुकु मेजोपा न वो दाम्मा ल। लावो माम्चुनीकु न होडडा बेपा मुचु हेल्लो वो मेसि।

ख्रीष्टकु कोर्थोलाम बक्पा मुचु

१८ आमा चोच्चोमिम होप्पाम मुचुनी, हुक्पा थारी ओरामडा सो। ख्रीष्टकु कोर्थोलाम बक्पा मुचु रोकतोडा लेडु ज्वाक्पा गानी थोन्निम होडडा ओम्लो वो ख्रीष्टकु कोर्थोलाम बक्पा हापा मुचुमिम रोम्डिम बु। मेम्मिमका ओराम थारी हुक्पा थारी ज्वाक्पा गुई च। १९ ख्रीष्टकु कोर्थोलाम बक्पा ओ मुचुमिम गुईनुड लाम्दीपा थोर लुपामिम मेएँ, मेम्मिमका गुईलाई डिसाड्डामी। मेम्मिम मुचु गुईनुड लाम्दीपा थोर लुपामिम माला ने गुईनुड बामीवा। लावो मेम्मिम सुवो गुईनुड लाम्दीपा थोर लुपा मेएँ रछा ज्वाक्पा मेम्मिमका डिसाड्डामिमलामका रेम्बेम्डी। २० लावो ख्रीष्टका गानीडला माम्चुनी-पेल अम्डिम बु मा गानी खोत्लेका आच्छाडाकाम ल्वा चनी। २१ आच्छाडाकाम ल्वा गानी थैसिमेथेनी ज्वाक्साका गानीलाई ओराम ल्वा ज्वाक्पुमिम मेएँ, लावो आच्छाडाकाम थैसिथेनीमिमका ज्वाक्पुमिम। आच्छाडालामका लिमा मेरो ज्वाक्पा गानी चनी। २२ लिमाचो सु? लिमाचो मेरामडा, उहेमका येशूडा ख्रीष्ट ज्वाक्साका मेछेपु ज्वा। आरेप्पाम मुचु ख्रीष्टकु कोर्थोलाम बक्पा सो, गुका माम्चुनी पाप नुड उनी तारापाचो येशू ख्रीष्टलाई मेछेपु ज्वा। २३ सुका

येशूलाई माम्चुनीकु तारापाचो मेज्वा गु माम्चुनीनुड लाममेदी। लावो सुका येशूलाई माम्चुनीकु तारापाचो ज्वा गु माम्चुनीनुड लाम्दी। ^{२४} डादो गानी हाम सीन्सिटीम मेरामडा गानी थोर लुईमिम दुम्मुम बुम बासी। गानी मेम बेन्नी माला ईनीमा हेमकेम माम्चुनी पाप नुड उनीमा तारापाचोनुड दुमहोम बु। ^{२५} येशू ख्रीष्टका गुईलाई हेल्लो वो मेसिपां त्वारोम ग्वानीनी ज्वाम्डिम बु। ^{२६} गानीलाई ताडहेरथो लमु माल्पा मर्मिम मुचुकु दुथाम गो गानीलाई ओराम ज्याक्तोडां बेउ। ^{२७} ख्रीष्टका ग्वाक्नीमिम माम्चुनी-पेल गानी गोडा दुम्नीहोम बुमी, मा गानीलाई सुकावो सीमु मेबासी। गुमीका ग्वाक्नीमिम माम्चुनी-पेलका आच्छाडाकाम खोत्ले ल्वाडा सीनिमी, लिमा ल्वाडा मेएँ। माम्चुनी-पेलका सीनिमीमिम होम्साका ख्रीष्टडा गानी दुम्नीहोम बानी। ^{२८} आमा चोचो होप्पाम मुचुनी, ख्रीष्टडा बानीम बानी, मेम्साका गुमी रेम्बेम्सिप्पीलो मेडिसीनु मा गुमी योमीलो उनी डादोडा ईकीमा क्रोम मेलुनु। ^{२९} ख्रीष्ट माम्चुनीकु न होप्पाम जोपा खारी बेपा ज्वाक्पा गानी चनी माला हाम जोपा बु मेराम खारी बेपा खोत्ले मुचु माम्चुनीलाम गम्डिम ज्वाक्पा चक्नी।

माम्चुनीकु चोमिम

३ रेप्नी, पाहीलाम ईकीमा पापका गुईलाई हाडको छोम रिखाम बेसामी, गुईलाई माम्चुनीकु चोमिम ज्वामी, मा आच्छाडा गुई उनीमा चोचोमिमडा सो। सुम्दीसेरडाम मुचुमिमका माम्चुनी मेछेमीवा, मेम्मिमका गुईलाई मेछेसामी। ^२ द्वादीबुड डोप्सोनी, ओम्लो गुई माम्चुनीकु चोचोमिम बुई, मा दिफु गुई हाम दुम्सी मेराम मेच। लावो गुई ओराम च, ख्रीष्ट आथावो योमीलो गुई गुमी

होप्पामडा दुम्सी हेडालोने गुमी हेप्पाम बुमी मेप्पामडा गुमीलाई ल्वासी। ^३ मेम्मा आरे दुम्मु लथाक्पा मुचु खोत्लेका येशू ख्रीष्ट छुल मान्थिम बुमीमिम होडडा त्वापलाई छुल मान्थिम दुम्बेन्मी। ^४ उहेम मुचुका छुल बु, मेरामका माम्चुनीकु दुम्ला होम्साका मेबु। माम्चुनीकु दुम्लाकु कोर्थोलाम बक्साका बुमुडा छुल सो। ^५ लावो ईकीमा छुलमिम हेम्सामु येशू ख्रीष्ट रेम्बेम्सिम्डी। गुमीडा हाम वो छुल मिबु। ^६ ख्रीष्टडा बाट्पा सुकावो छुल बुहोम मेबु। छुल बेपाम बाट्पा मुचुका गुमीलाई ल्वास्तुम बु ना गुमीलाई छेड्डुम बु। ^७ द्वादीबुड चोचोनी, सुकावो गानीलाई ताडताहेरथो मेलनीमीनु। उहेम मुचुका जोपा जेसी-दोसी बु मेरामका माम्चुनीकु न होप्पाम जोपा बेपा ख्रीष्ट होडडा जोपा खारी बु। ^८ उहेम मुचुका छुल बु मेराम शैतान सो, हेडालोने शैतानका सुम्दीमोलोमडा छुल बेतो गेड्डाम सो। शैतानकु ओराम खारी छोरुप बोमु लागि माम्चुनीकु तारापाचो रेम्बेम्सिम्डीम सो। ^९ माम्चुनीलाम गक्पा उहेम मुचुका वो छुल बुहोम मेबु, हेडालोने माम्चुनीकु त्वारोम मेराम मुचु गोनो दुम। मेराम मुचुका छुल बुहोम मेबु, हेडालोने मेराम मुचु माम्चुनीलाम गस्ताम सो। ^{१०} ओलामकाडा माम्चुनीकु चोमिम सु मा शैतानकु चोमिम सु ज्वाक्पा छेडी: उहेम मुचुका हाम जोपा बु मेराम मेबु, मेराम मुचु माम्चुनीकु चो मेएँ, मा उमा वा-ल्वाकलाई रिखाम मेबेपा मुचु वो माम्चुनीकु चो मेएँ।

रिखाम बेबोमु

^{११} गुई डादो आथाम थोस्तिम सिजेम ओरामडा सो: गुई रिखाम बेबोमु बासी। ^{१२} कथिन होप्पाम मेदुम्नी, गु शैतानकाम बाईडा मा उमा ल्वाक सेड्डु। गुका हेडा उमा ल्वाक सेड्डु? हेडालोने कथिनका हाम बुडु मेराम मेजोपा बाईडा

मा उमा ल्वाकका बुडुम ने जेपा बाईडा।
 १३ आमा वा-ल्वाकनी, सुम्दीसेरका
 गानीलाई मेद्वानीमी माला डाडायामे
 मेदुम्नी। १४ येशूडा थोर लुपा ईकीमा
 वा-ल्वाकमिमलाई गुई रिखाम बिईडी
 माला सिमुलामका हेल्लो वो मेसिपा
 त्वारोमडा रोकितम बु ज्वाक्पा छे।
 लावो उहेम मुचुका रिखाम मेबु मेराम
 आथावो सिमुलाम गोडाडा बु। १५ उहेम
 मुचुका थोर लुपा उमा वा-ल्वाकलाई
 मेद्वान्कु, मेराम मुचु ने मुचु सेट्पा
 होप्पाम सो। मेम्मा मुचु सेट्पा सुनुड वो
 हेल्लो वो मेसिपा त्वारोम मेदुम ज्वाक्पा
 गानी चनीमिम बु। १६ स्त्रीष्टका उनीमा
 साम ईकीमा लागि फ्याम्डी, मेराम गुई
 मिम्डीलो रिखाम ज्वाक्पा हाम मेराम
 थेसिथेडी। गुई थोर लुपा वाडमिम
 वा-ल्वाकमिमकाम लागि ईकीमा साम
 फ्यामु बासी। १७ कोडनिम मुचुनुड
 सुम्दीसेरडाम खाप्चीमिम बु मा थोर लुपा
 वा-ल्वाक खेरेला दुम्पा ल्वासु मा वो
 मे वा-ल्वाकडला उ थोम मेभ्रो माला
 माम्चुनीकु रिखाम हेसाका गु गोडा दुम
 मा? १८ द्वादीबुड चोचोनी, रिखाम
 बेबी ज्वामु कोडडा ने डिडी। ईकीमा
 बेसी-पेसीका आच्छाडा रिखाम बेबीमिम
 रेम्बी। १९ ओ ईकीमा बेसी-पेसीलामका
 गुई च, गुई आच्छाडाकाम ल्वाडा
 बुई। मेम्मिमका माम्चुनीकु डादोडा
 गुई येम्सिडीलो ईकीमा डिम मेलु।
 २० हाडकोलो ईकीमा नका गुईलाई
 मुमा बेसा, गुई ओराम च, ईकीमा
 न-गोडाम वो माम्चुनी डोक्पु बुमी मा
 गुमीका खोत्ले चमी। २१ द्वादीबुड
 डोप्सोनी, ईकीमा नका गुईलाई मुमा
 मेबेसा माला माम्चुनीकु डादोडा गुई
 मेडिसी। २२ मेम्मा गुई हाम बिई मेराम
 माम्चुनीका ग्वाक्सामी हेडालोने गुमीका
 ज्वामीमिम होडडा गुई बि मा गुमीलाई
 गेर्सिबेट्पा खारी बि। २३ गुमीका गुईलाई
 बेबेसाड्डामिम ल्वा ओरामडा सोः

उनीमा तारापाचो येशू स्त्रीष्टडा गुई थोर
 लुमु बासी मा गुमीका बेबेसाड्डामिम
 होडडा कोलेका कोलेलाई रिखाम
 बोमुबासी। २४ माम्चुनीका ज्वामीमिम
 थोपा मुचुमिम गुमीडा दुम्मी मा गुमी
 मेर्मिम मुचुकाडा दुम्मी। गुमीका
 ग्वाक्साड्डामिम माम्चुनी-पेललामका
 गुई च, माम्चुनी गुईनुड बुमी।

माम्चुनीलाम-जेपा लिसिक्पा मुचुमिमलाई थेसिथेन्मु

४ द्वादीबुड डोप्सोनी, पेललामका
 जेडुमिम ज्वाक्पा खोत्ले मुचुलाई
 थोर मेलुनी। मेर्मिमनुड बाट्पा पेल
 माम्चुनीलाममिम डे मेएँ डे ज्वाक्पा
 रेम्मु मेर्मिमलाई छाम्नीमी। हेडालोने
 माम्चुनीलाम-जेपा लिसिक्पा हापा
 मुचुमिम ओराम सुम्दीसेरडा लुम्डिम
 बु। २ आरेसाका माम्चुनी-पेललाई गानी
 छेमु चाम्नी: मुचु होडडा येशू स्त्रीष्ट
 ओराम सुम्दीसेरडा योम्डी ज्वाक्साका
 उहेम मुचुका ज्वा मेराम मुचुकाडा बाट्पा
 माम्चुनी-पेल सो। ३ लावो येशू मुचु
 होडडा ओराम सुम्दीसेरडा योम्डिम
 मेएँ ज्वाक्पा पेल उहेम मुचुकाडा बु,
 मेराम पेल माम्चुनीलाममिम मेएँ। “मेराम
 रो” ज्वाक्पा गानी थोन्नीम स्त्रीष्टकु
 कोर्थोलाम बक्पाकु ओराम पेलडा
 सो। सुम्दीसेरडा ओम्लो वो ओराम
 रोकल्याड्डाम बु। ४ आमा चोचोनी,
 गानी ने माम्चुनीकाम सो। माम्चुनीलाम-
 जेपा लिसिक्पा ओर्मिम मुचुडला गानी
 घ्वान्नीम बु, हेडालोने सुम्दीसेरडा
 बाट्पा पेलडाम ने गानी गोडा बुमीमिम
 पेल छोम डोक्पु बुमी। ५ ओर्मिम मुचु
 सुम्दीसेरकाम सो मेम्मिमका ओर्मिम
 मुचुका सुम्दीसेरडामडा ल्वा बोमी।
 मेम्मा सुम्दीसेरडाम मुचुका मेर्मिमकु
 ल्वा थोमी। ६ लावो गुई ने माम्चुनीकाम
 सो। मेम्मिमका उहेम मुचुका माम्चुनी
 छेडु मेरामका ईकीमा ल्वा थोसु।

उहेम मुचु माम्चुनीकाम मेएँ मेरामका ईकीमा ल्वा मेथोसु। ओरामलामकाडा आच्छाडाकाम पेल नुड लिमा पेल छेडी।

रिखाम माम्चुनीलाम रो

७ द्वादीबुड डोप्सोनी, गुई कोलेका कोलेलाई रिखाम बेबी, हेडालोने रिखाम माम्चुनीलाम रो। सुका रिखाम बु गु माम्चुनीकु चो मा गुका माम्चुनीलाई छेडु। ८ सुका रिखाम मेबु मेराम मुचुका माम्चुनी मेछेडु हेडालोने माम्चुनीका खोत्ले मुचुलाई रिखाम बोमी। ९ माम्चुनीका गुई गोडा आरेसाका उनीमा रिखाम रेमबेम्डी: येशूलाम गुई नुमु चाप्सीनु ज्वाक्साका कोले कोडडा बाट्पा उनीमा तारापाचो गुमीका सुम्दीसेरडा थुर्मिडी। १० रिखाम ओरामडा सो: माम्चुनीलाई गुई रिखाम बिडिम मेएँ लावो गुमीका गुईलाई रिखाम बेसाड्डामी मा ईकीमा छुलमिम हेम्सामु सासेन्सिपडा उनीमा तारापाचो थुर्मिडी। ११ द्वादीबुड डोप्सोनी, माम्चुनीका गुईलाई छोम रिखाम बेसाड्डामिमका गुई वो कोलेका कोलेलाई रिखाम बेबोमु बासी। १२ सुका वो हेल्लो वो माम्चुनी ल्वाम्डिम मिबु, लावो गुई रिखाम बेबीडी माला माम्चुनी गुई गोडा बुमी मा गुमीका गुई गोडा बोमु न बोमीमिम होडडा उनीमा रिखाम दुम। १३ माम्चुनीडा गुई बुई मा गुमी गुई गोडा बुमी ज्वाक्पा रेम्बोमु माम्चुनीका माम्चुनी-पेल गुईलाई ग्वाक्साड्डामिम बु। १४ गुकु ल्वात्तोकोम बु मा मेराम सोकु, सुम्दीसेरलाई सेल्पा दुम्मु लागि पापका उनीमा तारापाचो थुर्मिडी। १५ कोड मुचुका येशू माम्चुनीकु तारापाचो ज्वाक्साका थोर बु माला माम्चुनी मेराम मुचुनुड दुम्मी मा मेराम मुचु माम्चुनीडा दुम। १६ माम्चुनीका होडको छोम रिखाम बेसाड्डामी मेराम गुई च मा गुमीडा थोर लुई। माम्चुनीका खोत्ले मुचुलाई खोत्लेडा रिखाम बोमी मा उहेम मुचु रिखामडा

बु मेराम मुचु माम्चुनीडा बु मा माम्चुनी मेरामकाडा बुमी। १७ निया तुममिम नेम गुई मेडिसाका बुईनु ज्वाक्साका गुई गोडा रिखाम माम्चुनीकु न होडडा दुम। हेडालोने ओराम सुम्दीसेरडा गुई वो ख्रीष्ट होप्पामडा बुई। १८ रिखामडा डिम मेदुम, लावो माम्चुनीकु न होडडा दुम्पा गुई गोडाम रिखामका डिम कोलु। दन्देका मुचुलाई डिबेडु मा उहेम मुचु डि मेराम मुचु माम्चुनीकु न होडडा दुम्पा रिखामडा मेदुम। १९ गुई रिखाम बेबी, हेडालोने डादो माम्चुनीका गुईलाई रिखाम बेसाड्डामी। २० कोडनिम मुचुका “माम्चुनीलाई गो रिखाम बेउ” ज्वा लावो थोर लुपा वा-ल्वाकलाई मेद्व्वाकुमी माला मेराम मुचु लिमाचो। हेडालोने मिक्सीका ल्वासीमिम मुचुमिमलाई रिखाम मेबी माला मिक्सीका मेल्वासीमिम माम्चुनीलाई हेसाका रिखाम बि मा? २१ मेम्मा माम्चुनीका ओराम बेबेसाड्डामिम बु: उहेम मुचुका माम्चुनीलाई रिखाम बु, मेराम मुचुका थोर लुपा वा-ल्वाकलाई रिखाम बोमु बासी।

माम्चुनीकु तारापाचोडला थोर

५ उहेम मुचुका येशूडा ख्रीष्ट ज्वाक्पा थोर बु, मेराम मुचु माम्चुनीकु चोचो सो। मेम्मा उहेम मुचुका पापलाई रिखाम बु उनीमा चोमिमलाई वो मेरामका रिखाम बु। २ माम्चुनीलाई गुई रिखाम बि मा गुमीका बेबेसाड्डामिम होडडा बिडी माला माम्चुनीकु चोचोमिमलाई गुई रिखाम बि ज्वाक्पा च। ३ माम्चुनीलाई रिखाम बोमु ज्वाक्पा गुमीका बेबेसाड्डामिम होडडा बोमु मा गुमीका बेबेसाड्डामिम ल्वा बोमु मेभापा मिबु। ४ माम्चुनीलाम गक्पा खोत्ले मुचु सुम्दीसेरडला घल्वा। गुईलाई सुम्दीसेरडला घल्वाबेट्पा ईकीमा थोर सो। ५ सुम्दीसेरडला घल्वापा

मुचु सु? मेरामडा मुचु उहेमका येशू
 माम्चुनीकु तारापाचो ज्वाक्साका थोर
 लु। ६ येशू स्त्रीष्टका उनीमा कु-रुदुमका
 नुड क्रूसडला सिसि हासाका मुचु
 दुम्साका रेम्बेम्डी। कुका कोडडा मेरुं,
 कुका नुड सिसिका। मेम्मा ओराम
 आच्छाडा ज्वाक्साका माम्चुनी-पेलका
 गुईनुड सोमी। ७ येशूकु दुथाम गुईनुड
 सोपा सुले बुमी: ८ माम्चुनी-पेल, कु
 नुड सिसि। ओर्मिम सुलेका कोलेडा
 सोमी। ९ मुचुका सोयुमिम ल्वाडा ने
 थोर लुई लावो माम्चुनीका सोमीमिम
 ने मेरामडाम वो डोकपु बु। हेडालोने
 माम्चुनीका सोमीमिम ल्वा ने ओराम सो,
 मेराम गुमीका उनीमा तारापाचोकु दुथाम
 ज्वाम्डिम बु। १० उहेम मुचुका माम्चुनीकु
 तारापाचोडला थोर बु मेरामका ओराम
 आच्छाडा ज्वाक्पा च। उहेमका थोर मेबु
 मेरामका माम्चुनीलाई लिमाचो दुम्बेडु
 हेडालोने माम्चुनीका उनीमा तारापाचोकु
 दुथाम सोम्डिम ल्वा मेराम मुचुका थोर
 मेबु। ११ गुमीका सोम्डिम ल्वा ओरामडा:
 माम्चुनीका गुईलाई हेल्लो वो मेसिपा
 त्वारोम ग्वाक्साड्डामी मा ओराम
 त्वारोम उनीमा तारापाचोडा बु। १२ उहेम
 मुचुनुड तारापाचो बुमी मेराम मुचुडा
 त्वारोम बु मा उहेम मुचुनुड माम्चुनीकु
 तारापाचो मेबुमी मेराम मुचुडा त्वारोम
 मिबु।

मुलुदुडकु

१३ गानी हेल्लो वो मेसिपा त्वारोम
 ल्वान्नीम बु ज्वाक्पा चक्नी ज्वाक्साका
 माम्चुनीकु तारापाचोकु नडडा थोर
 बेपा गानीलाई ओराम ल्वा ज्याक्तोडा
 बेड। १४ माम्चुनी फार्डा ईकीमा ओराम
 थोर बु, उनीमा न होडडा गुई हाम-हुम

बिईडी माला गुई ज्वाकीमिम ल्वा
 गुमीका थोमी। १५ गुई गुमीनुड बिईलो
 गुमीका थोमी ज्वाक्पा गुई च माला
 गुई हाम बिई मेराम गुमीका ग्वाक्सामी
 ज्वाक्पा ल्वाडा आच्छाडा लुमु बासी।
 १६ थोर लुपा वा-ल्वाकका छुल बुमिम
 कोडनिम मुचुका ल्वासु, मा मेराम
 छुलका ने त्वारोम मेसेडु माला गुका
 मेराम थोर लुपा वा-ल्वाककाम लागि
 सोम्डी बुसाटनु। मेम्मा माम्चुनीका मेराम
 वा-ल्वाकलाई त्वारोम ग्वामी। उहेम
 छुलका त्वारोम मेसेडु मेरामकाम लागि
 आरे बोमु बासी ज्वाडुमिम। आरेप्पाम
 वो छुल बु, उहेम छुलका त्वारोम सेडु।
 मेरामकाम लागि गुका सोम्डी बुसाटनु
 ज्वाक्साका गो मे-ज्वाडु। १७ खोत्ले
 मेजोपा बेसी ने छुल सो, लावो आरेप्पाम
 छुल वो बु मेराम छुलका त्वारोम मेसेडु।
 १८ उहेम मुचु माम्चुनीलाम गस्ताम बु
 मेरामका हेल्लो लावो छुल बुहोम मेबु।
 माम्चुनीकु तारापाचोका मेराम मुचुलाई
 बोमी-थार्मी मा शैतानका मेराम मुचुलाई
 लुमु मेचाप्सु ज्वाक्पा गुई च। १९ गुई
 माम्चुनीकु चोच्चोमिम मा ओराम खोत्ले
 सुम्दीसेर शैतानकु ल्वाडा बु ज्वाक्पा
 च। २० माम्चुनीकु तारापाचो योम्डिम
 बुमी मा आच्छाडाकाम माम्चुनीलाई
 गुई छेडीनु ज्वाक्साका गुमीका गुईलाई
 न ग्वाक्साड्डामिम बु ज्वाक्पा गुई
 चडिम बु। गुई माम्चुनीडा बुई हेडालोने
 उनीमा तारापाचो येशू स्त्रीष्टका गुई
 बुईमिम बु। गुमी कोडडा आच्छाडाकाम
 माम्चुनी मा हेल्लो वो मेसिपा त्वारोम
 गुमीडा। २१ द्वादीबुड चोच्चोनी, ईनीमा
 न-गोडाम माम्चुनी बाखोपडा वाडमिम
 हाम-हुम बाबेन्मुडाम वाड बानी।